

CARNAVAL UNDA BO TA?

Pa: Juby Naar

Ayera atrobe e polemica tabata riba tarifa cu bandanan local ta cobra pa toca den paradanan y tambe por a scucha di e tarifanan cu gruponan ta cobra participantenan pa forma parti di nan grupo di carnaval.

ASOMA

E mes historia di tur aña a ser ripiti, mientras cu aña pasa ASOMA a tene un conferencia cu hasta a wordo transmiti na radio for di **Ex Hong Kong Restaurant, ex Ocean Restaurant**, y a splica cu cifranan bon cla kico ta wordo cobra, pakico ta cobra cierto suma, gastonan di banda, equiponan pa alquila, delco, lona, etc.

A ser mustra,-- dunando ehemplo di un banda cu ta cobra 10 mil florin pa toca y cu 15 tocador,-- cifranan di gastonan etc. y pa demostra finalmente cu tin musico cu no ta cobra ni 100 florin despues di carnaval di e placa cu a ser cobra.

Anto esey ta pa dos dia di bandona familia, kibra lip cu suplemento, laga dedenan hincha y man hincha di bati drums, toca piano of keyboard, cantante y coro cu ta perde voz y asina por sigui menciona.

Despues di e conferencia, e asunto aki a caba, cu lo por hasta bisa cu tur hende a keda satisfecho.

GRUPONAN

Di gruponan di carnaval, e grandinan sigur, no tin grupo grandi cu ta baha bao di 100 mil florin na gasto awendia, incluyendo cuminda, bebida y banda musical.

Pa añanan largo ta ser papia di e "negoshi" tras di e gruponan di carnaval, pero te awe ningun hende kier bin dilanti cu "prueba".

John Flemming, Silvia Lourens, Quandt di ex Esso (no Esso di awe cu Los laga Bay), Marcia Stamper, Boepie Groder, di antes Eddy Laaf y Dudu Adonis, tambe Eric Rincones di hospital, Martica di Savaneta, Margo na Santa Croes, tur ta hendenan cu a ser tilda aña aden aña afo di negoshi cu nan ta haci, y erroneamente sin sa kico e tarea di e hendenan aki realmente ta den nan grupo, pero ningun hende te awe no kier "proba" e "negoshi", pero



ningun hende no ta busca pa sa tampoco e sacrificionan cu e hendenan aki ta haci no simannan largo sino lunanan largo.

Ningun hende no ta puntra prijs di tela, glitter, payet, lijm, cosemento, hero, bambo, plastic, catoena, felpa, pluma etc. etc. No ta ser papia di e prijs cu nan mester paga na Aruba pa tur esaki, ni e prijs cu nan mester paga den exterior, ni e IMPUESTO cu mester paga pa importa e cosnan na bulto.

No ta ser menciona e gastonan cu varios lider ta haci pa exterior tur aña pa busca material etc. riba su propio gastonan.

Nos ta cla pa yora di prijs halto pa costuum "cu no ta bal ni 100 florin", manera sa wordo bisa generalmente, pero no ta mira e gasto enorme su tras, e sacrificio tin ora casi sobrehumano.

Por menciona un simpel school cu a participa den parada di carnaval. Un school cu a presenta cu 220 mucha manera pirata.

Den un conversacion cu director di school, el a bisa: "E cos aki ta saliendo for di man, gasto di tela ta bierando demasiado".

y esaki di un school cu a trata di tene tur gasto mas abao posible pa presenta un grupo representable den e parada. Pakico no t tur school ta den

carnaval, pasobra e gastonan ta demasiado y nan no tin fondo y no por apela pa tur cos riba voluntad di mayornan tampoco, forsan nan.

GOBIERNO

Ta ser papia di kico gobierno ta haci pa carnaval.

Aki no ta importa si ta gobierno actual di coalicion MEP, PPA, ADN, ni gobierno anterior, ni gobierno di AVP su so, ni gobierno di AVP cu coalicion, ni gobierno di Salvese Quien pueda.

Ningun hende no ta mira e overtimenan continuo di DOW, Polis, Serlimar, e bari-cadanan, materialnan usa, vehiculonan etc. djies pa menciona algun y asina por sigui menciona e gastonan cu ta sali den cifranan di tanto cien mil, si no ta mas cu millon.

Di e parti aki no por bisa cu Gobierno no ta haci nada.

Pero nos tur pa añanan largo ta tira riba "gobierno no ta haci nada". Y aki ta tur gobierno di ultimo 10 pa 15 añanan.

Esaki nos no kier mira.

Pa esaki nos ta bisti bril di palo pasobra, locual nos kier mira ta placa, money, geld, dinero, l'argent.

Si gobierno contribui na k forma cu ta cu no ta placa, e no ta sirbi.

Pero si Gobierno pone e mes suma disponibel na placa, e ora ey si tur hende ta cla pa grita "hoeraa !!!!!"

E deseo general ta pa mira gobierno pone placa pa yuda bandanan musical cu nan gastonan, pa yuda cu efectivo pa premionan, y hasta pa yuda gruponan pa cierto gastonan.

Pone algun cien mil florin disponibel pa CARNAVAL, pero esaki mester ta controla, y no pa SAC, ni un IDEFRE, ni pa haladornan di garoshi politico, ni un Lotto pa Deporte, ni pa gobierno mes, pero controla pa un comision special cu sa kico ta kico y cu sa con pa haci e distribucion necesario, corecto, honesto y imparcial.

Si un of mas di comision falla, aplica ley penal mester debe ser.

Si gobierno por gasta millones pa loka nan ta yama proyecto, aunke ta cu meta politico of gasta centenares di mil pa "kico cu ta" pa motibonan politico of cierto interesnan, ta mihor pone un contribucion anual en efectivo pa yuda gruponan y bandanan local pa carnaval, y no gasta millones "pa saca cara" di Aruba cu kende cu

ta cu ta bin cu tur sorto di proyecto, mientras cu Arubianonan mes ta wordo laga un banda.

SAC

Tur hende ta papia di SAC, pero si mira bon, y esnan cu conoce statutonan di SAC sa y por ripara cu SAC no ta cumpli cu statutonan, no awe sino pa mas di 15 aña pa no menciona mas aña.

SAC tabata tin mester di un reformacion di su statutonan 15 pa 20 aña pasa caba, y un reformacion den su manera di funciona tambe mes tanto añanan pasa.

President di SAC, Sr. Milo Croes, conoce carnaval y e conoce tur e pasonan pa carnaval, apesar cu ta sclama tur aña. "Milo Croes mester bay".

Locual a pasa cu president di SAC ta cu e president a bira un "robot di carnaval". Aña tras aña ta e mes sistema di funciona ta bin dilanti, e mes errornan ta ser cometi den e organizacion "desorganiza", y nada ta ser haci pa trece mehoracion. Tempo ta

Sigui lesa pag. 30



CARNAVAL UNDA BO TA?

Cont pag. 29

cambia, pero president di SAC a keda pega algun aña atras cu tempo.

El a laga cos bay for di man inconcientemente dependiendo riba bon voluntad di tur hende y confiando cu tur trabao necesario ta ser haci y cu automaticamente tur cos lo ser haci y bini cla.

E man fuerte pa soluciona problemanan di tur aña, reorganiza SAC, reforma SAC y pone al dia, e no a logra debi na e automaticamente cu tur cos ta tumando lugar.

TRAHADORNAN

A menciona robot y automaticamente pasobra SAC tin bon trahador.

Comisionnan di eleccion, escenario, decoracion, etc. ta trahando duro y cumpli cu bon trabao y hopi voluntario ta envolvi tambe.

Hendenan cu ta bon trahador, pero cu no ta den directiva y no tin "voz" pasobra miembronan di SAC ni sa tende di reunion, no tin reunion general, no tin notulen, y ni relatonan anual, principalmente financiero pa hopi aña no tin.

SAC tey pasobra e trahadornan tey, pero no cu tin organizacion y ni ta cumpli cu proceduranan di un organizacion.

PARADANAN

Paradanan di Carnaval ta saca cara di SAC (?), no pasobra SAC a traha y organiza. Pasobra tin gruponan di carnaval. Gruponan di hendenan cu amor pa nan carnaval y cu amor pa e nan isla y e nomber cu nan carnaval ta duna nan isla den exterior.

Mescos cu bandanan musical, eleccionnan, y otro actividadnan, problema tin aña tras aña, e mes problemanan ta ripiti aña tras aña, pero no tin reunion tumando lugar pa soluciona y mehora pa evita esaki den proximo carnaval.

Paradanan tey pasobra gruponan ta ser forma, cu of sin solucion di problemanan.

Tin musica pasobra e bandanan tey pa cumpli cu contrato firma cu gruponan. Pero e problemanan di gruponan den parada, cu bandanan den parada, cu disconan etc. ta keda existi.

Si bandanan dicidi di no ta toca mas si no resolve tur problema di musiconan.

bandanan di e carnaval tras di lomba, no tin musica.

Si gruponan no mira solucion pa tur nan problemanan di e aña anterior y lidernan dicidi "awor si ta basta!" no tin parada tampoco.

Carnaval ta biba riba gruponan y musiconan.

PREMIONAN

"Unda premionan di aña pasa a keda?"

"Unda cierto premionan priminti a keda?"

"Ki dia ta cambia e premionan aki pa premionan di verdad?"

Esey ta tende tur aña. Despues di carnaval, oficina di SAC ta keda colma cu trofeo of cu premio cu no ta wordo busca, pasobra nan no ta ser considera como premio.

Pero nada ta wordo haci pa haci premiacion mas atractivo pa concursionan, eleccionnan, paradanan etc. y esey mas di 15 aña caba.

Pakico? Pasobra 9 luna despues di carnaval, ainda no a cuminsa traha manera un organizacion serio mester traha y funciona.

CAMBIONAN

Tur aña nos tur ta grita: "Nos kier mira cambio! Nos kier mira actividadnan nobo"! Y tur aña ta tende: "Nos a bini cu cambionan pero nan no ta ser ripara. Nos a haci esaki of esaya", pero no ta cambionan cu publico carnavalesco kier mira.

Publico kier mira cambio den actividadnan. Actividadnan nobo, divertido y no e mes programa di 40 aña.

SAC ta bisa cu proposicionnan no ta ser manda aden. Publico ta bisa cu nan ta manda proyectonan aden pero nan no ta ser considera.

Di den seno di SAC mes ta tende cu ta bini riba mesa proyecto nobo, y cu nan ta ser aproba, pero cu despues esaki ta ser rechaza of negligha of hinca den lachi.

Esaki ta frustia hende.

Tin tambe hopi hende cu tin gana di bin cu algo, pero nan ta mara na un stipulacion den statuut di SAC y cu ta ser usa hopi, cu mester di permiso di SAC pa organiza y asina actividadnan ta keda stanca.

Ora tende di hende cu a bin cu un proyecto y cu ta ser bisa cu "SAC a cobrami tanto porcentahe," bo ta puntra bo mes pakico e monopolio aki?

Ningun hende por organiza pasobra mester di permiso di



SAC. "Nos ta haya permiso general y nos ta duna apro-

bacion", ta tende tur aña.
PERDIDANAN

Tur aña ta tende: "Nos tin perdida cu actividadnan". "Nos tin deficit grandi, debe grandi."

Esaki sigur ta tende ultimo 15 pa 20 aña.

Si ta asina, bin cu actividadnan cu ta trece entrada aden., Elimina actividadnan cu ta trece perdida. Cambia estilo of forma di actividadnan cu ta perde placa y cambia esaki den ganashi, pa asina haya palca pa cubri debenan y yuda carnaval. No depende riba subsidio di gobierno y sponsornan. Traha pa genera entrada y no traha pa genera perdida. Pone comision di Ways and Means traha manera debe ser. Perdon! Ni esey no tin.

Pensa riba actividadnan atractivo pa publico y elimina esnan di perdida.

Den edicion di mañan lo sigui riba e topiconan aki.

CARNAVAL UNDA BO TA?

Pa: Juby Naar

Den e prome parti di e articulo aki, publica ayera, nos a termina riba asunto di perdanan cu SAC tin anualmente, y cu continuamente ta tende president di SAC mencionada.

Si SAC aña aden y aña afo tin perdanan cu cierto actividadnan, ta bira tempo pa SAC elimina e actividadnan aki. Si no ta elimina nan, ta cambia e tipo di actividad y haci'e mas atractivo, pero no keda biba cu perdida cu ta acumula tur carnaval tras di otro cu e mes actividadnan.

LADRONICIA?

E aña aki atrobe por a tende cu e entrada na gate pa actividadnan di tumba y calypso, no ta cuadra cu e cantidad di hende y cu tin bendemento di caarchi riba "mercado negro" y cu cierto manipulacionnan lo ta tumando lugar.

Esaki tambe ta un "disco raya" di 10 pa 15 aña pa no bisa 20 pa 30 aña.

Cu cierto cantidad di hende ta bula, ta pa falta di control. Cu placa cu a drenta no ta cuadra cu e cantidad di caarchinan bendi ta debi na falta di bon administracion y control di venta di caarchi.

Cu ta falta tanto placa ta debi tambe na manipulacionnan delictivo pafo di gate of na gate.

Si tur aña esaki ta tuma lugar, di con no ta tuma medida pa remedia esaki? Tuma medida pa evita manipulacion?

SAC / ASOMA

ASOMA tur aña ta keda malcontento cu e parti cu nan ta ricibi di entrada pa concurso di tumba y calypso.

Tur aña ta keda duda en cuanto e entrada y gastonan, y e poco placa cu ta ser reparti y e gastonan halto cu tin cu kita prome cu yega na e netto.

Si gastonan ta halto, y tin gastonan cu ta innecesario, SAC y ASOMA mester delibera riba esakinan prome cu cera acuerdo y no pleita despues di e actividad.

Si mester elimina cierto gastonan, yega na acuerdo riba esaki y no warda pa despues di e actividad.

Yega na acuerdo riba e participacion di placa segun stipulacionnan riba papel prome

cu e actividad y no warda pa esun acusa e otro di cierto cosnan combinan, pero cu no ta stipula ningun caminda.

Un cos ta SIGUR, despues di e carnaval aki, lo tin un problema grandi entre SAC y ASOMA riba asuntonan di PLACA. Tene esey na cuenta di awe caba.

Esaki a cuminsa caba segun e programa radial unda president di SAC a laga sa cu el a ricibi "voorschot" di tanto mil di ASU (di e placa di entrada di show combina cu ASOMA) y president di ASOMA a cuestiona.

REGLAMENTONAN

Pa tur actividad cu tin premio involvi ta tende keho en cuanto reglamentonan y interpretacion di reglamento nan. Den tur actividad cu "tin reglamentonan" (si tin reglamentonan), e reglamentonan ta ser viola, atropa y abusa y interpreta na otro manera.

E asina yama reglamentonan cu mi a yega di mira ta papelnan manera perkamento di siglo mil prome cu Cristo y cu no ta cuadra mas cu eleccionnan of concursos di awendia.

Tur aña ta tende di reglamento, pero tur aña e interpretacion ta bira otro.

Ta bira tempo pa SAC forma un comision di representantenan di SAC pa reuni cu clubnan, organizacionnan etc. cu ta participa den eleccionnan.

Laga e clubnan y organizacionnan forma nan comision representativo, y hunto cu e comision di SAC stipula reglamentonan pa eleccionnan, na cual reglamento pa cada eleccion tur hende mester atene nan mes na dje.

Pa Tumba y Calypso, forma e mes comisionnan di SAC y ASOMA cu otronan involvi, yega na acuerdonan preto riba blanco di henter e organizacion y reglamentonan y premiacion y keda mantene e stipulacionnan aki.

MIHOR PREMIO

Den e acuerdonan, stipula ki tipo di premio lo ser otorga na ganadornan.

Si e gastonan ta mas halto cu actualmente, bini cu actividadnan special pa recauda fondo pa premianan so y

destina e placa solamente pa premio y nada mas.

Pa parada di carnaval, forma un comision di SAC y un Comision di gruponan di carnaval. Reuni y reuni den transcurso di aña na varios ocasion, stipula reglamentonan nobo pa huzgamento di gruponan den parada, stipula

PRESIDENT

Atrobe "Milo mester bay" manera a publica ayera di e comentarionan di tur aña.

Milo Croes manera a ser bisa ta un persona cu conoce cada skina di carnaval. Pero e ta funciona mucho riba "automaticamente" manera un ro-

Milo mester delega trabao na otronan y no tuma tur cos riba dje. "delega trabao". Kita trabao for di su man, stop di actua mucho individualista.

Aña den aña afo, Milo ta sinta na telefon prome cu tur actividad yamando hendenan pa sa si esaki a ser haci, si esaya a ser haci y dirigi cosnan manera un "profesional" cu su titerenan na cabuya" pa despues core pariba pabao pa busca un solucion, si ainda ta logra. Prome cu carnaval cuminsa tur e cosnan aki mester ta prepara caba.

Un di e tanto ehemplonan: Ora di entrega di mando. Cuanto biaha na ultimo momento no ta core busca sistema di sonido of banda, pasobra tur hende a confia riba otro cu e lo ser haci.

E aña aki na ultimo momento Prome Ministro no por entrega yabi pasobra ainda e yabi no tabata cla y ni presente na e actividad. Simbolicamente mester a haci e entrega.

ORA DI ACTIVIDAD

Mester cuminsa pone pia abao en cuanto ora di inicio di ki actividad cu ta.

Mester para duro riba esaki y elimina e imagen di "ora di Aruba".

Si stipula ora 6 or, CUMINZA 6 OR. Muestra esnan cu mester actua of participa cu nan mester ta na ora pa cuminsa na ora.

No cuminsa 7 or pasobra no tin suficiente publico. Cu publico of sin publico, CUMINZA!!

Nos como publico mester siña presenta na ora pa actividadnan, cualquier actividad.

Si Maestro di Ceremonia no tey pa cuminsa na ora, elimine y usa otro persona y bise danki!

Si e prome banda concursante of cantante no tey of no ta cla pa cuminsa, descalifique y sigui cu e siguiente.

Si ta e ora ey ta bayprepara pa cuminsa despues di ora, por ehemplo pasobra tecnico di sonido no tey, pa siguiente evento busca un tecnico di sonido cu por cumpli cu ora. Stop disconde tras di "fiesta di pueblo" y "duna nan chance di yega of prepara". E cos aki ta dafia mas y mas aña tras aña.

Si ta eleccion tin y ta stipula

Sigui lesa pag. 30



Riba e foto aki por mira Prins y Pancho di Francisca Kleuterschool na Paradera den compania di Meneer Kelly. Nan ta Kenny Dania, Prins Frega y Pancho Pia, Gilbert Dijkhoff di klas 2.

un sistema nobo di premiacion cu ta algo mutuo entre SAC y gruponan.

E gruponan cu ta "Carnaval" tambe mester por tin un voz den e sistema di premiacion, juzgamento y premionan.

Stipula premianan atractivo pa e gruponan y participantenan y si mester di fondo, organiza actividadnan atractivo pa recauda fondo solamente pa parada di carnaval su premiacion.

Busca sponsor cu tur aña ta premia no.1 no.2 y no.3 di cierto categorianan y aserca e premionan stipula pa e comisionnan combina aproba pa SAC.

bot programa, debi na e experiencianan di tanto aña como dirigente y confiando cu tur cos lo ser haci.

Milo Croes ta un "Carnavalholico". Su bida ta e carnaval y e kier mira tur cos bay bon. E ta un trahador manera ningun otro y cu bo ta haya ki ora cu ta di dia, anochi of madrugada, cla pa cualquier actividad pasobra e ta tuma tur cos riba dje. No por bisa cu no tin hende pa tuma cierto cosnan di Milo.

Pero esnan cu lo kier, no por pasobra nan no ta na altura di tur detallenan pasobra Milo tin tur den su cabez, experiencia di tanto aña.

Locual mester pasa ta cu

CARNAVAL UNDA BO TA?

Cont pag. 29

cue ta cuminsa 8 or. CUMINZA 8 or cu tur candidata presente of no. Tur esnan envolvi mester ta na e sitio di evento na ora pa show cuminsa na ora y desarolla na ora segun stipulacionnan cu tur hende mester sa prome cu e actividad.

PROGRAMA

Tur aña ta sali e programa di carnaval cu ta ser califica como "fotocopia" di esun anterior.

Dentro di algun dia cu e programa sali pa publicidad, ta tende cu tal y tal actividad a cambia di fecha of lugar.

Despues di dos tres dia ta ripara cu henter e programa a cambia y ora cu esun bunita imprimi colorido sali riba plaza, ya ningun hende no sa kico ta kico mas.

Manera a menciona anteriormente, mester cuminsa prepara y organiza durante aña.

SAC mester tuma dos siman di sosiego despues di Carnaval, y mes ora despues cuminsa reuni cu sectornan envolvi den carnaval, planea actividadnan cu miembronan y voluntarionan, cu comisionnan etc.

Che calendar, stipula fechanan, cera acuerdonan cu sitionan di actividad y tur cu lo ta envolvi, planea y presenta. Pa dia 11 di luna 11 pa 11 or 11 minuut y 11 seconde, pueblo di Aruba mester ta na altura caba di tur actividad, cu programa imprimi, pa asina cu e prome fecha yega, tur cos bay segun programa.

Tur hende envolvi den carnaval y e publico mester wordo motiva riba ORA di actividadnan y pa nan ta NA ORA pa por cuminsa na ORA y termina tambe na ORA.

ACTIVIDADNAN

NOBO

E monopolio di actividad di SAC mester yega na un fin. SAC mester por reuni cu hendenan cu tin ideanan nobo pa actividadnan. Si nan kier organiza e actividadnan, duna nan "bendicion di SAC" pa organiza e actividad.

Si e resulta exito, e por bira manera "Lighting Parade" por ehemplo cu ta di Tivoli, pero cu a bira un actividad di promocion tradicional den programa di SAC como actividad di carnaval.

No biba solamente cu e pen-

samento cu "si SAC organ-ize, e lo ta bon pasobra ta SAC so por". Duna otronan un chance tambe.

Esaki ta ser skirbi asina pasobra sey ta e impresion cu pueblo tin di SAC y tur esnan cu idea tin di SAC mirando experiencianan di pasado.

Si hende bin cu bon idea di actividad cu nan kier organiza, no tume pa SAC, laga nan cune y inclui esaki despues den programa si ta algo exitoso pa carnaval.

SAC por colabora y pidi su miembronan y voluntarionan pa duna un man si esaki ta necesario, mirando nan experiencia. E ora ey por bisa cu SAC ta colabora y yuda na bienestar di carnaval.

via emisoranan, sin cu e emisoranan ta prepara y ta ser critica di a permiti cierto expresionnan sali den aire.

Pero no ta esey ta e parti aki. E parti cu kier trece dilanti ta inscripcion y participacion.

Si tin programa adelanta y promocion adelanta, por pone fecha di inscripcion. Despues por bin cu screening of sin screening.

Si pa e fecha di inscripcion no tin pareha inscribi, ta liquida e actividad y busca un manera pa por tin un prins y pancho toch.

Pero no mester ta asina cu na ultimo momento (mey ora prome cu show) parehanan ta core inscribi pasobra na e club na e momento ey nan a

roadmarch of tumba.

Mester ta asina cu riba e dia di inscripcion (reunion cu cantantenan y managernan), ta conoci: Cantante, titulo, roadmarch of calypso of tumba, composicion, arreglista y banda.

No mester ta asina cu riba e anochi di presentacion, cantante no ta conoci, of su titulo no ta conoci, y arreglista of compositor no ta conoci te na ultimo momento.

E anochi di inscripcion mester ta e anochi cu tur dato mester ta conoci.

Riba asunto di preclasificacion, un, dos of tres anochi, por bisa cu esey tambe mester ta conoci hopi adelanta.

Con ??

Organiza manera mester ta, y segun e cantidad di inscripcion, stipula si ta un, dos of tres anochi, y despues stipula fecha y lugar. Anuncie den e programa y mantene na dje.

Despues di inscripcion y sorteo, no mag di permiti ningun cambio mas.

RUTANAN

Tur aña ta tende critica riba ruta di carnaval, largura, duracion etc.

Si yega na formacion di comision di gruponan y comision di SAC pa reuni, laga e reunionnan aki stipula kico lo ta e ruta preferi pa gruponan, y e pakiconan, e "pro- nan y e con-nan".

Delibera e diferente alternativenan cu polis y despues anuncia ruta pa tur hende por sa sin cu despues ta bin tende di cambio of critica di gruponan riba ruta.

ORGANIZACION

E relato di ayera y esun di awe di "Carnaval, unda bo ta?" ta pa muestra cu hopi por ser logra durante aña y cu tin hopi trabao pa haci durante aña pa mehoracion di carnaval, y pone fin na polemicanan cu ta ripiti aña tras aña.

Si den e dianan aki bini topiconan dilanti riba cual mester comenta, lo haci esaki tambe.

Danki ta bay na esnan cu ayera a duna nan comentario positivo na redaccion, riba e articulo uno di "Carnaval unda bo ta?"

Si a trapa dede di un of otro persona "mea culpa" pero nos no por laga nos carnaval bay atras. Cambionan, reformacionnan y mehoracion mester cuminsa AWE y no MAÑAN.



Aki por mira reina saliente di Francisca Kleuterschool na Paradera hunto cu prins Frega y Pancho Pia, Kenny Dania y Gilbert Dijkhoff, segunda finalista Xzmyra Croes di klas 3, reina eligi Kimberly Franken di klas 1 y first runnerup Darlaine Erasmus di klas 1.

PRINS Y PANTO

Prins y Panto di Carnaval ta e actividad cu ta habri cune tur aña. Pero e actividad aki no ta e atraccion mas di antes.

Antes, hende tabata bay pa mira e prins y panto cu simannan largo a entrena hunto y prepara un show di dialogo y contamento di chiste.

Chistenan tabata cay un tras di otro cu na final e publico ta duda den kende lo wordo eligi y ki dolor di cabez e jurado lo tin.

Awendia, e eleccion a bira sketch teatral caminda hopi gritamento ta tuma lugar, cambiamiento di voz cu no ta "cay pa homber ni muher".

Pa falta di "screening" ta haya tambe "frasenan doble sentido di mas" cu ta pasa

dicidi di subi escenario hunto y presenta kico cu ta. E ultimo 10 añanan esaki ta tuma lugar sigur tur aña.

Si riba ultimo dia bo no a inscribi, bo ta keda afo dia di presentacion. Asina mester bira.

Si no tinsuficiente inscripcion, elimina e actividad di e aña ey, y no dune e publico kico cu ta djies pa haya placa den caha. Ta e actividad e ora ey ta perde imagen.

CALYPSO/TUMBA

Tur aña ta tende cu tempo ta mucho cortico pa prepara tumba of calypso. Esaki ta e excusa cu ta ser usa. TEMPO NO TA CORTICO.

Bo tin for di fin di carnaval di e aña aki te e dia di presentacion den preclasificacion di otro aña pa prepara calypso of

Pone anochi di inscripcion, despues di reunionnan extensivo y acuerdonan cu por logra entre Asoma y SAC.

